



ज्ञजलपा वाःपौ

JWOJALAPA NEPALBHASA WEEKLY

दं ६ ल्याः ४० (पूर्णडक ९२) ने. सं. ११३६ चौलागा दुतिया आइतवाः २०७३ वैशाख १२ गते आइतवार (Apr- 24, 2016)

मू ८।-

नेवाः पत्रकार राष्ट्रिय दबूया तःमुँज्यां न्हूगु नेतृत्व ल्यल

किपूया पत्राकार नायः पदय्

श्रीकृष्ण महर्जन, दुजलय्

नजरराम महर्जन व नविन जोशी



नेवाः पत्रकारतय्गु राष्ट्रिय संगठन नेवाः पत्रकार राष्ट्रिय दबूया निक्वःगु तःमुँज्या ऐतिहासिक नगर किपुलिइ तःजिक क्वचाःगु दु। लोकतन्त्र दिवस खुन्हु किपूया लोकतान्त्रिक चोकं सांस्कृतिक बाजा गाजा सहित सुरु जूगु च्याली नयाँ बजार, सल्यांचा, तःगःवाँपि, खासी बजाः, कुतुभ्वः, चाफः, देय् पुखू, बाघभैरव जुया लायकुलिइ थ्यका विशेष समारोह जूगु खः।

समारोहया मूपाहां सुचना तथा संचार मन्त्री नापं सरकारया प्रवक्ता शेरधन राई जुयादीगु खःसा पाहां कथं नेपाल पत्रकार महासंघया नायः डा. महेन्द्र विष्ट, फोनिजया नायः डण्ड गुरुङ, मधेसी पत्रकार समाजया नायः मोहन सिंह लगायत थीथी व्यक्तित्वपिन्सं भित्तुना

सन्देश बियादीगु खः। नेवाः पत्रकार राष्ट्रिय दबूया केन्द्रीय नायः श्रीकृष्ण महर्जनया सभापतित्वय् जूगु उगु समारोहसं नेपाल पत्रकार संघया संस्थापक नायः सत्यनारायण बहादुर श्रेष्ठ व नेपाःया न्हापांम्ह मातृभाषि पत्रकार धर्मादित्य धर्माचार्ययात हनेज्या तर्क याःगु खः।

दबूया न्वकू राज्यलक्ष्मी शाक्यं लसकुस न्वचू बियादीगु उगु ज्याभवलय् किपू संयोजन पुचःया कजि नजरराम महर्जनं सुभाय् न्वचू बियादीगु खः। उद्घाटन सरमोह क्वचाये धुंकाः न्यामासिमा लागू च्वंगु नेपालभाषा एकेडेमिया हलय् बन्द शत्र जूगु खः।

बन्द शत्रय् नीतिगत खँ नायः श्रीकृष्ण महर्जन, सांगठनिक प्रतिवेदन

मूछयाञ्जे उदेन न्हूसाय्मि व आर्थिक प्रतिवेदन दांभरी रमेश मानन्धरं न्हयव्वयादीगु खः।

अथे हे विधान संशोधन प्रस्ताव न्वकू सुनिल महर्जनं न्हयव्वयादीगु खः। व्यापक सहलह लिपा प्रतिवेदन नापं विधान संशोधन प्रस्ताव संशोधन सहित पारित याःगु खः।

अनं लिपा निर्वाचन मण्डलया कजि उज्जोल शुक्ल, दुजःपिं सुरेश किरण

मानन्धर व पुस्करभक्त माथेमा जुयादीगु खः। अनं लिपा निर्वाचन प्रक्रिया न्हयाःगु खःसा नीस्वम्हेसिया केन्द्रीय ज्यासन पुचः तर्क ल्ययगु ज्या जूगु खः।

मूल मूल पदय् सर्व सहमतिं ल्यःगु खःसा छुं छुं पद व दुजलय् धाःसा चुनाव जूगु खः। बन्द शत्रं किपूया पत्रकार श्रीकृष्ण महर्जन सर्वसहमतिं नायः पदय् निर्वाचित जुयादीगु खः।

अथे हे किपूया पत्रकार नजरराम महर्जन व नविन जोशी नं दुजः पदय् निर्वाचित जुयादीगु खः। न्हूगु नेतृत्व ल्ययेगु ज्या चान्हय् क्वचाःगु खः।

थुगुसीया नेवाः पत्रकार राष्ट्रिय दबूया निक्वःगु तःमुँज्याय् भिन्नेहय्गु जिल्ला शाखा नापं याना नीन्यागू जिल्लापाखें मुक्कं याना सच्छिम्हं मल्याक प्रतिनिधित सहभागी जुयादीगु खः। ३ पेज व ४ पेजय् नं स्वयादिसँ



RARAHIL
MEMORIAL SCHOOL
राराहिल मेमोरियल स्कूल

"Be Smart.
Be Good!"

ADMISSION OPEN

Play Group to Grade VIII

Academic Session 2073 (2016/17)

Salient Features:

Play-way and whole brain teaching and learning

Computer lab and internet facility.

Audio- Visual teaching and learning classes.



Multi -sport facilities and children park. (future plan)



Music, Dance, Art and Sports activities and field trips

Biology, chemistry and physics labs

Health care facility

Form available , Rarahil Memorial School, Kirtipur-11, Chhugaon. Contact No.: 4330121 or 9841464230, 9841739566, 9841653785.

100% Successful S.L.C Result With Remarkable Distinction Since 2003



ज्वजलपा वाश्यो

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : kirtipur_sandesh@live.com

सम्पादकिय

न्यतभुलु प्याखं व किपू

स्वनिगःया आदिवासी नेवाःतयसं थःथःगु कथंया खाःपाः प्याखं क्यना वयाच्वंगु दु । नेपाःया सन्दर्भय धायेगु खःसा खाःपाः प्याखं क्यनीपिं धाइपिं हे नेवाःत जुयाच्वंगु दु । थ्व हे भ्वल्य किपूमितयसं न्यतभेलु प्याखं धायेगु याना वयाच्वंगु येंया न्यतय च्वपिन्सं क्यना वयाच्वंगु न्यतभुलु अजिमयाया प्याखं किपुलिइ स्वीनिर्दं लिपा हकनं क्यने त्यंगु दु । न्हापा न्हापा भिनिर्दयं छकः क्यनीग थुगु प्याखं लिपांगु इलय् वया दयं दसं क्यना वयाच्वंगु खःसा भिनिर्दयं छकः क्यनीगु प्याखनय थप कलाकारत दुथ्याइ ।

वइगु वैशाख १९ बहनीनिसें २० गत सनिलय तक किपूया लायकुलिइ स्वीनिर्दं लिपा न्यतभुलु प्याखं क्यनीगु जूगु दु । थुगु प्याखं धइगु गं खाःगु प्याखं खः उकिं दबुलिइ क्यनेगु याना वयाच्वंगु दु । थुगु प्याखं किपुलिइ बसलाया थःपिन्त प्याखं ल्हइकुं ल्हइकुं हइगु जूगु दु ।

किपुलिइ अथे प्याखं क्यंवेमाःगु चलनं स्पष्ट जुयाच्वंगु दु कि यें नापया स्वापू अले न्यत लागया नेवाःत नापया स्वापू किपू व किपूमितयगु दथुइ न्हापानिसें दु धकाः । ऐतिहासिक, सांस्कृतिक नापं धार्मिक रुपं न तसकं महत्वपूर्णगु न्यतभुलु प्याखं किपुलिइ क्यनीगु जुया किपूमितयसं चासो तयाच्वंगु दुसा उगु प्याखंया नितिं व्यवस्थापन यायेत तकं माःगु कथं तयारी जुयाच्वंगु दु । थुगु प्याखं क्यनेगु व स्वयेगुनितिं किपूमितयसं थःथःगु भूमिका म्हितेमाःगु आवश्यकता दु ।

साहित्य/चिनाखं

हाईकू शौरभ शाक्यया

शौरभ शाक्य

खप

४९. कहर ख्याचः
भुखाचं क्वःगु देय्
आः छपिं मर्याः ।
५०. दुःख जुयेवं
काचाक्क ध्वदुवइ
जंजाल मुक्त ।
५१. थुलि बिकृति
चलवन खाःपात
न्हायपं चहिका ।

५२. नवःगु खुसि
ल्यहँबुल शहर
ब्वलावं खाःपाः ।
५३. वेढंग घरि
लिज्यां लिज्यां वन ई
भुटुली सिँच्याः ।
५४. शहर सुम्क
लकस भिँभा मिभां
हिउपा छुमा ।

नेपालय् जातिय स्वशासनया आवश्यकता

स्व.शम्भुराम श्रेष्ठ

प्रो. मणिकलालजुया ज्यापौयात कयाः टिप्पणी यानादिसं भाजु पसरत्न तुलाधरजुं धयादिगु यक्व खँय् जिगु सहमति दु तर स्वशासनया सम्बन्धय् वयकलं स्वशासन जातिय नं जुइफु क्षेत्रीय नं जुइफु न्ह्यागु नं जुइफु धयादिगु धाःसा जितः पाय्छि मताः । जातीय स्वशासन संघीय राज्यया आसय कथं जुइ । तर क्षेत्रीय स्वशासन उगु आसय कथं जुइमखु । क्षेत्रीय स्वशासन धैगु अस्पष्ट रुपं राज्य संरचनाया एकाइया अर्थ बीमखु । भीसं जातीय स्वशासनया आवश्यकतायात वह बीगु या छुमां छु खः धाःसा नेपाः छगू जातिय मुलुक खःसां थन फुक्क जाति व जनजातितयगु दथ्वी मुलुक समानता मदु । फुक्कस्यां समान मर्यादा व समान अधिकार कायेखंगु मदु । उकिं नेपाःया फुक्क जाति व जनजातितयसं समान अधिकार दयेहे माः धैगु उद्देश्यं जातीय स्वशासनया खँ न्ह्यःव्येगु खः ।

स्वशासनया खँ निर्विवाद खः धयादिसं जातीय स्वशासन प्राप्त यायेगु नितिं योजना व रणनीति या तःधंगु महत्व दइ धयादिगु व थुकिया लागि क्रमिक विकासया लँपु व क्रान्तिकारी हिउपाःया लँपु नालेमाःगु सुभाक्क बियादिल । वयकःयागु सुभाक्क एकदम पाय्छि व नालाकाये वह जू ।

भाजु मुक्ति प्रधानं टिप्पणी यानादिसे गबलेतक्क आत्मनिर्णयया अधिकारयात स्वीकृत याइमखु अबले तक्क स्वशासनया खँ ल्हायेगुया छुं अर्थ मदु । धकाः गुगु धयादिल व एकदम पाय्छि खः । कारण जातीय स्वशासनया अधिकार

धैगु जातीय आत्मनिर्णयया अधिकार अन्तर्गत या खँ हे खः । थुकिया अःखः मखु ।

उगु कार्यपत्रयात कयाः टिप्पणी यानादिसे भाजु श्याम श्रेष्ठ नेपालय् स्वशासन माः धैगु प्रो. मणिकलालजुयागु अवधारणा नाप थः सहमत जूगु खँ कंसं जातीय स्वशासनया शाब्दिक अर्थया छयलाबुला थःयात पाय्छि मताःगु खँ कनादिल । वयकलं नेपाःया जातीय स्वशासन मखु जनजातीय स्वशासन जुइमाः धयादिल । भीत माःगु जातीय स्वशासन खः वा जनजातिय स्वशासन ? थ्व खँय् आः भीसं वाद विवादय् अलमलय् जुइमज्यू ।

प्रो. मणिकलाल जुया ज्यापतिइ जाति व जनजातिं निखलःसितं लाइगु कथंया आसय प्वंकाछुगु खः धैथें जितः ताः । भाजु श्याम श्रेष्ठ टिप्पणी यायेगु भवलय् न्ह्यःने वनादिसं नेपाः ला राष्ट्र जुइत्यंगु दे खः । पुजीवादी विकास थन शुरू जूगु दु । उकिं नेपाःयात राष्ट्र धायेफु, राज्य राष्ट्र धाये फु । धकाः गुगु खँ धयादिल व बिक्कुल पाय्छिमखु धैथें जितः ताः । छगू ला वयकलं राष्ट्र व राज्य राष्ट्रया दथुइ छु पाःगु खः व धयामदी । मेगु खँ नेपाः र राष्ट्र जुइत थन छगु हे भाय् नुवाइपिं दयेमाः मखुसा थ्व राष्ट्र जुइमखु । नेपालय् छगू जक भाषा नुवाइगु खँ एकदम सम्भव

मदु । आः नेपाः उगु प्रक्रियाय् नं मदु । उकिं वयकलं गुगु राष्ट्रया अवधारणा नं कम विवादया खँ मखु । वयकलं कार्यपत्रय् जातीय स्वायत्तता व स्थानीय स्वायत्तता अलग अलग अन्तरविरोधया

रुपय् क्यनातःगु दु व नं अयाःगु कथं मखु गयाःगु धाःगु खः । धकाः गुगु धयादिल । व पाय्छि जू धैगु जितः ताः । जातीय स्वायत्तता धैगु जुइमखु जुसा जातीय स्वशासन हे जुइ । स्थानीय स्वायत्तता जुइ छायाधारा स्थानीय स्वायत्तता धैगु नगरपालिका यें याःगु यात धाइ ।

स्वशासन व स्वायत्तता निगू एकदम पाःगु खँ खः । वयकलं उगु निगूयात गुकथं छगू हे खः धैगु रुप कयादिल व पाय्छि मखु । वहे ज्यापौयात कयाः टिप्पणी यानादिसं भाजु लक्ष्मण र जवंगीजुं नेवाः राजनीति धैगु छु खः धकाः मामां वनेवं लिसः वइ जातीय स्वशासन । कांग्रेस नं मखु कम्युनिष्ट नं मखु । राष्ट्रपति नं मखु । थ्व जातीय स्वशासन थुज्वःगु हे खः धैगु ताः । विवाद थन छु दनावःगु दु धाःसा संसदय् छगू अवधारणा दयेकेफुगु दु छगू समझदारी दयेके फुगु दु । भी शैतक्कया छगू नं खँ पाय्छिगु थासय् वयेमफुगु कारण छु खः धाःसा विलिख दतधायेंवं जितः मञ्जुर मदु धकाः व्यागलं च्वनी ।

अथ्य जूगुलिं जिं छगू जक खं धायेमास्तिवः धाःसा आःयात छगू समझदारी दयेकेमाःगु दु, व स्वशासनया विषयलय् डिटेलय् वन धाःसा ज्या जुइमखु धकाः गुगु धयादिल व तसकं पाय्छि व ज्या वइगु खँ खः । वयकःया थ्व खँ सही खः व जि थ्व खँय् सहमत दु । क्वचाल

(चमि स्व. शम्भुराम श्रेष्ठ वरिष्ठ वामपन्थी नेता खः । थुगु च्वसु वयकःया च्वसुमुना सफूपाखें साभार यानागु खः ।)

पाठक प्रतिक्रिया

हनेबहःम्ह सम्पादकजु,


छिगु लोकह्वाःगु ज्वजलपा वाःपौलय् नमस्वाः धिमे बाजा पितव्वज्याया समाचार ब्वनेदयाः तसकं लयताया जिपिं । भीथाय्या थी थी समाचार ब्वनेदयाः छित्त यक्व सुभाय् । तर थुगु पत्रिकाय नमस्वाः धिमे बाजा खलःया ज्यासना पुचःया

पदाधिकारीपिनिगु नां भतिचा मिलय् मज्गुलिं थन न्ह्यव्वया च्वना । थुकियात भिंका पिकयादीगु भलसा कयाच्वना ।

नमस्वाः धिमे खलः
सल्लाहकार – इन्द्रबहादुर महर्जन,
हिराबहादुर महर्जन, सत्यमाया महर्जन
अध्यक्ष – कृष्णभक्त महर्जन
उपाध्यक्ष – रमिता महर्जन
सचिव – बिन्दु महर्जन

कोषाध्यक्ष – सन्देश महर्जन
सदस्यपिं – दिपक महर्जन, र
जश्रेष्ठ, लक्ष्मी प्रकाश महर्जन, अवि
ल महर्जन, गगन महर्जन, डिना महर्जन,
रुसाना महर्जन
सुभाय्

हिराबहादुर महर्जन,
नमस्वाः, किपू –९



किपूया गथु प्याखं (गं मखाःगु प्याखं)

सफू बजारय् पिदने धुकूगु दु थःगु प्रति सुरक्षित यानादिसँ

सफू दइगु थाय्

- १) खपया च्याम्हसिंहया स्टेशनरी पसः (श्याम सुन्दरया पसः)
- २) खप कमल विनायकया स्टेशनरी पसः
- ३) किपूया सतःक्वया स्टेशनरी पसः
- ४) किपूया देय् पुगूया बाघभैरव स्टेशनरी पसः
- ५) किपूया पांगा दोबाटोया किपू बूक प्वाइट
- ६) येंया भोताहिति नातिवज्रया पसः
- ७) येंया कुलाभुलिइ च्वंगु मंकाः धुकू पसः
- ८) यल, यल ध्वाखा अर्जुन स्टेशनरी पसः
- ९) स्वापू नितिं मेमेगु फोन नम्बरः ४३३४०१३, ९८४१७५२५८३, ९८४६०४६१२३९

सफू तका जक (१००/-)

**नेवा: पत्रकारतयगु राष्ट्रिय संगठन नेवा:
पत्रकार राष्ट्रिय दबूया किपुलिइ शनिवा:
त:जिक क्वचा:गु बन्द निक्व:गु त:मुँज्यां ल्य:पिं
पदाधिकारी व दुज:पिनिगु नां धल:**

१. नाय: (अध्यक्ष) – श्रीकृष्ण महर्जन
 २. न्वकू (उपाध्यक्ष) स्व:निग: – उदेन न्हूसाय्मि
 ३. न्वकू (उपाध्यक्ष) स्व:निगलं पिने – टीकाराम प्रधान
 ४. न्वकू (उपाध्यक्ष) मिसा – मिरा राजभण्डारी अमात्य
 ५. न्वकू (उपाध्यक्ष) खुल्ला – सुरजवीर बज्राचार्य
 ६. न्वकू (उपाध्यक्ष) खुल्ला – नृपेन्द्रलाल श्रेष्ठ
 ७. मूछ्याञ्जे (महासचिव) – सुनिल महर्जन
 ८. छ्याञ्जे (सचिव) – के.के.मानन्धर
 ९. दांभरिं (कोषाध्यक्ष) – सुरेन्द्र भक्त श्रेष्ठ
 १०. दुज: महाकाली अञ्चल – शर्मिला श्रेष्ठ
 ११. दुज: नारायणी अञ्चल – सन्दिप कुमार श्रेष्ठ
 १२. दुज: गण्डकी अञ्चल – युवराज श्रेष्ठ
 १३. दुज: बागमती अञ्चल – जीवन श्रेष्ठ
 १४. दुज: स्वनिग: – विगेन तुलाधर
 १५. दुज: कोशी अञ्चल – जमुना श्रेष्ठ
 १६. दुज: खुल्ला – रचना श्रेष्ठ
 १७. दुज: खुल्ला – हसना लवजु
 १८. दुज: खुल्ला – प्रेरणा लक्ष्मी शाक्य
 १९. दुज: खुल्ला – जितेन्द्र श्रेष्ठ
 २०. दुज: खुल्ला – भाइकाजी महर्जन
 २१. दुज: खुल्ला – नजरराम महर्जन
 २२. दुज: खुल्ला – प्रज्ज्वल श्रेष्ठ
 २३. दुज: खुल्ला – नविन जोशी
- नाय: श्रीकृष्ण महर्जन, न्वकू उदेन न्हूसाय्मि, मिरा राजभण्डारी, मूछ्याञ्जे सुनिल महर्जन, दांभरी सुरेन्द्रभक्त श्रेष्ठ, दुज:पिं शर्मिला श्रेष्ठ, सुदिप कुमार श्रेष्ठ, जीवन श्रेष्ठ, विगेन तुलाधर, जमुना श्रेष्ठ निर्विरोध निर्वाचित जुयादीगु ख:सा निर्वाचनपाखें न्वकूपिं सुरजवीर बज्राचार्य, नृपेन्द्रलाल श्रेष्ठ, छ्याञ्जे केके मानन्धर, दुज:पिं युवराज श्रेष्ठ, रचना श्रेष्ठ, हसना लवजु, प्रेरणालक्ष्मी शाक्य, जितेन्द्र श्रेष्ठ, भाइकाजी महर्जन, नजरराम महर्जन, प्रज्वल श्रेष्ठ व नविन जोशी निर्वाचित जुयादीगु ख: ।



नेवा: पत्रकारपाखें सत्यनारायण बहादुर श्रेष्ठ व धर्मादित्य धर्माचार्ययात हन

देयन्त्यंकया नेवा: पत्रकारतयगु मंका:गु संगठन नेवा: पत्रकार राष्ट्रिय दबूया निक्व:गु त:मुँज्याया भूवलय शनिवा: किपूया लायकुलिइ जूगु विशेष समारोहसं नेपा:या पत्रकारतयत दक्ले न्हापां संगठित यानादीम्ह नेपाल पत्रकार संघया संस्थापक सत्यनारायण बहादुर श्रेष्ठयात व नेपा:या मातृ भाषा पत्रकारीताया न्हापांम्ह पत्रकार नापं न्हापांम्ह नेवा: पत्रकार धर्मादित्य धर्माचार्ययात हनेज्या या:गु दु ।

नेपा:या पत्रकारिता ख्यलय ज्व:मदुगु योगदान यानादीपिं वयक:पिं निम्हं मदये धुंकूगु अवस्थाय ज्याभूव:या मूपाहां सूचना तथा संचार मन्त्री नापं नेपाल सरकारया प्रवक्ता शेरधन राई नं वयक:पिनिगु छेंज:पिन्त हनापौ ल:ल्हानादीगु ख: ।

नेवा: पत्रकार राष्ट्रिय दबूपाखें सत्यनारायण बहादुर श्रेष्ठयात नेपाल पत्रकार महासंघया संस्थापक नाय: घोषणा यायेमा:गु नापं धर्मादित्य धर्माचार्ययात नेपा:या न्हापांम्ह मातृभाषाया पत्रकारया रुपय् घोषणा यायेमा:गु माग याना छगु कथं अभियान हे न्हयाका वयाचंगु ख: ।

नेवा:त नापं पत्रकारिता ख्य:नाप स्वापू दुगु थुगु मुदायात अझ सशक्त कथं न्हयव्वाकेत सरोकारवाला व्यक्तित्वपिं सूचना तथा संचार मन्त्री राई, नेपाल पत्रकार महासंघया नाय: डा. महेन्द्र विष्ट, प्रेस कान्सील, न्यूनतम पारिश्रमिक निर्धारण समिति, समावेशी संचार नीति सुभावा समितिया प्रतिनिधि नापं देयन्त्यंकया नेवा: पत्रकारतयगु व्यापक उपस्थितिइ किपूया ऐतिहासिक थाय् लायकुलिइ जूगु समारोहसं उगु कथंया हनेज्या तक् या:गु ख: ।

नेवा: पत्रकार राष्ट्रिय दबूया निक्व:गु त:मुँज्यां ल्य:पिं केन्द्रीय समितिया न्हू समितया दुज:पिन्त भिंतुना



ज्वजलपा वा:पौ सकल ज:

निखा:सि, किपू

- नाय: – श्रीकृष्ण महर्जन
 न्वकू स्व:निग: – उदेन न्हूसाय्मि
 न्वकू स्व:निगलं पिने – टीकाराम प्रधान
 न्वकू मिसा – मिरा राजभण्डारी अमात्य
 न्वकू खुल्ला – सुरजवीर बज्राचार्य
 न्वकू खुल्ला – नृपेन्द्रलाल श्रेष्ठ
 मूछ्याञ्जे – सुनिल महर्जन
 छ्याञ्जे – के.के.मानन्धर
 दांभरिं – सुरेन्द्र भक्त श्रेष्ठ
 दुज: महाकाली अञ्चल – शर्मिला श्रेष्ठ
 दुज: नारायणी अञ्चल – सन्दिप कुमार श्रेष्ठ
 दुज: गण्डकी अञ्चल – युवराज श्रेष्ठ
 दुज: बागमती अञ्चल – जीवन श्रेष्ठ
 दुज: स्वनिग: – विगेन तुलाधर
 दुज: कोशी अञ्चल – जमुना श्रेष्ठ
 दुज: खुल्ला – रचना श्रेष्ठ
 दुज: खुल्ला – हसना लवजु
 दुज: खुल्ला – प्रेरणा लक्ष्मी शाक्य
 दुज: खुल्ला – जितेन्द्र श्रेष्ठ
 दुज: खुल्ला – भाइकाजी महर्जन
 दुज: खुल्ला – नजरराम महर्जन
 दुज: खुल्ला – प्रज्ज्वल श्रेष्ठ
 दुज: खुल्ला – नविन जोशी



नेवा: पत्रकार राष्ट्रिय दबूया निक्वःगु तःमुँज्या किपा: विशेष



साहित्य/चिनाखँ

हे भगवान धार्थे छ दुगु खःसा !

हे भगवान धार्थे छ दुगु खःसा

थ्व कलियुगया संसारय् सत्ययुग म्वा

जित धार्थे मनु जुया म्वाय् सयका बिउसा गा ॥

हे भगवान धार्थे छ दुगु खःसा

थ्व इलय् छै वुँ धन सम्पति म्वा

जित बल्वाय्सां सुख शान्ति व

आनन्द बिउसा गा: ॥

हे भगवान धार्थे छ दुगु खःसा

थ्व दुःखया दुःखं घेरय् जुयाच्चंगु जीवनय् सुख म्वा:

जित थ्व दुःखयागु हे संसार खः धका:

सहयाये फय्का बिउसा गा: ।

हे भगवान धार्थे छ दुगु खःसा

थ्व धेवाया हे संसार जित धेवा म्वा:

जित: शान्तिं छछा चुलाना

उच्च ज्या याये फःसा गा: ॥

हे भगवान धार्थे छ दुगु खःसा

थ्व अस्थिर जुयाच्चंगु जीवनय् स्थिर म्वा:

जित: धेय्चुलासां योग साधना

याय् सयका बिउसा गा:

हे भगवान छ दुगु खःसा

थ्व उला जुईमा:गु ख्वा:यात क्रिम पाउडर म्वा:

जित: हाकुसां हिंसी दयका बिउसा गा: ॥

हे भगवान धार्थे छ जूगु खःसा

थ्व छंगु रुप माया मोह छु हे म्वा:

जित सिर्फ छ जक नापं दःसा गा ॥

—रामभोला महर्जन,
पाँगा, धुसि
थौकन्हे पाँगा सालिक

बिचा: हायेका

बुदिं :
१९८७ माघ २८



मदुगु दिं
२०७३ वैशाख १



मदुम्ह नरबहादुर महर्जन

ज्यापु महागुथि किपू नगरसमितिया जन्मका:छि ज:

नरबहादुर महर्जन वंगु वैशाख १ गते ८६ दँया वैशाय

मदुगुलिं मदुम्हेसिया निर्वाण कामना यासं सुखावति

भुवनय् बास लायेमा धका: कामना यानाच्चना । नापं थुगु

दुःखया इलय् दुखंक:पिं सकल छैज:पिन्सं मनचिइ फयेमा

धका: बिचा: हायेका च्वना ।

ज्यापु महागुथि किपू नगरसमिति

किपू

अन्धविश्वासय् लिकुनाच्चंगु विज्ञान



(नेवा:तयसं न्हापांसिं थये याये मत्यः अथे याये मत्यः धका: धया वयाच्चंगु दु। थौ वया उकियात अन्धविश्वास धायेगु या:। याये मत्यः धयात:गुया थीथी कार णत दु। उगु कारणायात कुला स्वयेगु ज्या यात धा:सा अन दुने विज्ञान दु। उकिं पन्नारत्न महर्जनं अज्व:गु हे अन्धविश्वासय् लिकुनाच्चंगु विज्ञानयात कया सफू हे च्यादीगु दु। सं)

क्वखँ (दाइगु) दालकि मभिं

क्व: धयाम्ह चखुबखुं थें हे मनूतय् बस्ति ज:ख: च्वना जिविका याइम्ह पछि ख:। थ्वं बस्तिया मनूत म्हसिका तयेफु। भचा अप्ठ: खपिनिगु ला आनिबानि तकं सीकातइ। थ:पिन्त खतरा दुपिं थें ता:पिं बल धायेवं काचाक्क हे विस्सू वनी। स्वभा व हारापिनिगु पहिचान याना: मौका लात धायेवं स्वभा पिनिगु ल्हाति नयेगु खनीबलय् लाका हे नं कायेय:।

क्व: यक्व चलाख ज्वी। थ्वं यक्व थासय् मिखा व्वयाच्चनी। वयात छुं याये धका: ल्हा: सके हे लाइमखुनी व्वयावने धुंकी। थ्वं थ:पिनिगु स्वयं नं उलि हे ध्यान तयाच्चनी। इमिसं मखंक इमिगु स्वयं छुं नं याये फइमखु। उकिं सुं नं तसकं चलाख जुल धायेवं “क्व:या स्वयं छ्यें खुइम्ह” धायेगु चलन दु।

क्व: मनूया बस्ती च्वनीम्ह ख:सां मनू खना: तसकं ग्या:। मनूया सतिक्क फछिफतले वइमखु। थ्वयात

लहिनात:गु उलि मदु। लहिका: म्वाये फुम्ह पछि नं थ्व मखु। मनू खना: थापयसकं ग्या:म्ह जूसां गबलें गबलें थ्वं मनूयात दायेय:।

क्वखँ न्ह्याबलें दाइमखु। न्ह्याथाय् नं दाइगु नं मखु। थ्वया स्वयं मचा थ्वका तइगु बखतय् जक दाइ। अक्सर याना: इमिगु स्वयं सुनां नं मिखा ब्वल बाय् मिखा ब्व:गु थें इमित ताल धायेवं अज्या:म्ह मनूयात दाइ। गबलें गबलें मेपिं सुं नं मनू इमिगु स्वयं मिखा ब्व:म्ह थें ताल धायेवं नं दायेगु याइ।

क्वखँ दालकि मभिं व अलछिन जुइ धयागु विश्वास दु। उकिं क्वखँ दाल धायेवं छुं नं अपसकुन जुइ धका: धन्दा कायेगु याइ। गुलिगुलिसिनं थज्या:बलय् मन शान्त यायेत दसा फायेके धका: थीथी कर्म नं याइ।

क्वखँ दाइबलय् अक्सर छयनय् दाइ। थुमिसं दाइगु तसकं स्याइ, स्वन्हुप्यन्हुतक छयं वाईवाइ मिनाच्चने

य:। सँ यक्व दुपिन्त दाइबलय् सँ ल्वाय् हे ल्यें दनेय:। दाइगु, स्याइगु, मदइगु, फुइगु धयागु शुभचिं मखु। थ्व मभिंगु व अलछिन पक्कां ख:। छुं मजुगु छयनय् क्वखँ दायेका: स्वन्हुप्यन्हु तक स्याका च्वनेगु भिंगु ला ख हे मखुत उकिंसं छयं स्याइबलय् छुं नं विचा: याये मा:सां याये फइमखु। उकिं थ्व छगू दसा हे ख:।

सुं नं मांबौया मचाखाचाप्रति माया ममता दइगु प्राकृतिक नियम ख:। मचाखाचायात छुं कथंया आपतविपत व दु:ख जुइगु सुं नं मांबौ नं स्वये फइमखु। थज्या:गु अवस्थाय् इमिसं न्ह्यागु कथंया खतरा मोले यायेत नं तयार जुइ। ज्यान तक बीमा:सां लिस्वइमखु। थ्व खँ क्व:तय् हकय् नं लागु जुइ। दु:ख कसा नयां स्वं दयेका: मचा थ्वका त:थाय् सुनां नं मिखा व्वयेगु धयागु क्व:तय् मती मचायात दु:ख कष्ट बीत्यंगु भा:पिया: हे दा: वइगु ख:। दसा भिसां मभिंसां, अलछिन जुइत्यंसां मत्यंसां थज्या:गु अवस्थाय् इमिसं दायेगु



पन्नारत्न महर्जन

क्वखँ न्ह्याबलें दाइमखु। न्ह्याथाय् नं दाइगु नं मखु। थ्वया स्वयं मचा थ्वका तइगु बखतय् जक दाइ। अक्सर याना: इमिगु स्वयं सुनां नं मिखा ब्वल बाय् मिखा ब्व:गु थें इमित ताल धायेवं अज्या:म्ह मनूयात दाइ। गबलें गबलें मेपिं सुं नं मनू इमिगु स्वयं मिखा ब्व:म्ह थें ताल धायेवं नं दायेगु याइ।

याइ। थ्व छगू संयोग मखु, भवितवि मखु। इमि मचा थ्वकात:थाय् वनागु बाय् मिखा व्वयागु बाय् मिखा ब्व:थें इमित ता:गुया लिच्च ख:।



बुंगद्य:या रथ गुगु कथं दयेकेगु ज्या जुइ ?

श्रीकृष्ण महर्जन

पौ चिइपिं यंवातयसं र थया क्वनिसें च्वय् थ्यंक पौ चिना हइ। थाय् थासय् गथांमुग: चिइगु जा नं याइ। अले दर्शमि कुन्हु लाका घ:चा: तयेगु ज्या जुइ। अनं लिपा जक प्यंगूगु ख: ग्वयेगु ज्या जुइ। अले लगातर रुपं न्यागूगु, खुगूगु, न्हयगूगु, च्यागूगु जुया गुंगूगु ख: ग्वयेगु ज्या बाराहीतय्सं याइ। अथे गुंगूगु ख: ग्वयेगु ज्या क्वचायेवं हे यंवातयसं ग्व:पौ चिना हइ।

अले खिप:या तान नं तया हइ। तान तयेगु ज्या क्वचाये धुनेवं थाय् थासय् पौया गथांमुग: चिना हइ। अले यंवातयसं भिंखुगु: ल:सिं तयेगु ज्या याइ। स्वीनिकु हाक:गु भिंखुगु: ल:सिं प्यंगू दिशाया प्यंगु: प्यंगु: तइगु ख:। अनं लिपा थाय् थासय् ल:सिं चिना हइगु ख:। छगू कथं फुक्कं हे छगू धिक्का थें जुइक चिना हइगु ख:। अले हाकनं पौया जँ हिनेगु ज्या जुइ। अले ग्वास बाँय्म्व: दयेका तयेगु ज्या जुइ। ग्वारा बाँय्म्व: तयेवं अनं च्वय् थाहां व:गु ल:सियात



धयना छ्वाइ। ग्वारा बाँय्म्व:या घ:ने केरा बाँय्म्व: तइ। अले केरा बाँय्म्व:या घ:ने धकि बाँय्म्व: तइ। धकि बाँय्म्व:या घ:ने स्वयम्भु भगवनया मूर्ति,

लुं सियात:गु निगू ध्वाँय, बाँय्म्व:या चाक:हिइक स्वीनग: गं तयेगु ज्या याइ।

थ्व फुक्क ज्या यंवातयसं याइगु ख:। अथे स्वीनिग: गं

तयेगु ज्या क्वचायेवं रथ दयेकेगु ज्या क्वचा:गु तायेकी।

घ: रथारोहण

बुंगद्य:या रथं मूर्ति क्वकायेत गथे साइट स्वयेमा: अथे हे मूर्तियात रथारोहण यायेत नं साइट स्वयेमा:गु चलन दु। बुंगद्य:या साइट पिकाइपिं ज्यातिषतयसं हे साइट बिइगु ख:। अले घ:यात रथारोहण याइगु दिनय् हे दक्ले न्हापां लुं सियात:गु भ्या:, तोरण, क:सिम्ब:या वार, घ:मा तकं तयेगु ज्या जुइ। अले घ:या रथय् फुक्कं तये धुंका: जक या: न्यायेकीगु ख:।

बुंगद्य:या रथ दयेकेत मा:गु सिं बुंगद्य:या रथ दयेकेत मुक्कं याना न्याताजि सिं मा:। रथ दयेकेगु नितिं फुक्कासिं धइगु सुंसी ख:। थुगु सिं धइगु गोदावरीया जंगलं हइगु ख:। अथे हे घ:मा दयेकीगु सि धइगु नागवसिं ख:। थुगु सिं न्हापा न्हापा जूसा तिकाभैरव लागां हइगु ख:सा थौकन्हय् मेमेगु थासं नं हयेगु यानाच्चंगु दु। अथे हे घ:कू नकिगु सिं धइगु नसिं ख:।

थुगु सिं बुंगं हइगु ख:। अले घ: च्वनीगु प्यंगू कुनय् च्वंगु थां धा:सा तुंसिं ख:। थुगु सिं नं गोदावरीया जंगलं हे हइगु ख:।

उगु हे कथं घ:चा:या नितिं मा:गुसिं धइगु न:सिं ख:। थुगु सिं धइगु मकवानपुरं हइगु ख:। थ्व न्याताजि कथंया सिं मध्ये नं अजूचाइपुगु सिं कथं घ:चा: दयेकेगु न:सियात हे नालात:गु दु।

थुगुसिं हयेगु नितिं सिमा ध्यनीगु इलय् मनूया हि थें हे च्वंगु ह्याउँसे च्वंगु हि पिहां वइगु ख:। अथे हे बुंगद्य:या रथ जात्रा

नाप स्वापू दुगु मेगु सिं धइगु ब:सिं ख:। ब:सिं धइगु घ:क्या नितिं चू तइगु ख:। घ:कू नकीपिन्त हे घ:कू धका: धायेगु याना वयाच्चंगु दु। थुगु कथं बुंगद्य:या रथ दयेकेगु ज्या नाप नेवा: समाज दुने यंवा: नापं बाराहीतय्गु भुमिका स्वानाच्चंगु दुसा जात्राया भवलय् घ:कू नकेगु ज्या घ:कूतय्सं हे याइगु ख:।



भिंतुना ! भिंतुना !!



विस्वय् बुद्ध धर्म प्रचार प्रसार व बुद्ध दर्शनया माध्यमं शान्तिया सन्देश फैलय्
यानादीम्ह नेपाल व नेपालीया गौरव, नेपाःया म्हयाय्मचा
सुलक्षण कीर्ति विहारया प्रमुख भिक्षुणी **डा. अनोज गुरुमां** यात वि.सं. २०७२
चैत्र १० गते (सन २०१६ मार्च २३) कुन्हु म्यान्मार सरकारं
‘महाधम्म ज्योतिक धज (राष्ट्रिय सम्मान– म्यान्मर सरकार २०१६)’
सम्मानित याःगुलिं सकल नेपाःमि गौरवान्वित जूगु दु । थुगु गौरवया घडिई
म्यान्मार सरकारलाई सुभाय बिसें सम्मानित व्यक्तित्व भिक्षुणी डा. अनोजा
गुरुमायात भिंतुना देछानाच्चना ।

बुद्ध ज्योति अन्तर्राष्ट्रीय संघ नेपाल शाखा परिवार

चोभार गेट, कीर्तिपुर